

## Siunnersummut nassuiaatit

### Nassuiaatit nalinginnaasut

#### 1. Aallarniut

Inuussutissarsiutigalugu aalisartut, inuussutissarsiutigalugu piniartut  
inuussutissarsiutigalugulu nunalerinermik ingerlataqartut aallarteqqinnissamut  
tapiiffigineqartarnerat pillugu inatsisartut inatsisaata (aallarteqqinnissamut  
tapiiffigineqarnissaq pillugu inatsit) allanngortinnissaanut siunnersummi siunertaavoq  
aalisartut, inuussutissarsiutigalugu piniartut inuussutissarsiutigalugulu nunalerinermik  
ingerlataqartut aallarteqqinnissamut tapiiffigineqartarnerinut periarfissat  
pitsaanerulersinnissaat. Tamanna sivikitsumik ilimasaarneqarlutik silap pissusaata  
allanngorneranik peqquteqartumik pissutsit tunngavigalugit isertitat tamakkerlugit imaluunniit  
taakku ilaaniq annerttuunik annaasaqartunut inatsimmut ilaatinneqartunut inunnut  
aniaasatigut tapiiffigineqarsinnaasunut naammattumik inatsisitigut tunngavimmik  
pilersitsinikkut pissaaq.

Tamatuma saniatigut ajoquserneq, annaasaqarneq, napparsimaneq  
sulisinnaajunnaarnerluunniit matussuserneqarsimatillugu imaluunniit nammineerluni  
imaluunniit pisortani tapiissutit assigisaalluunniit aqqtigalugit matussuserneqarsimatillugu  
aallarteqqinnissamut tapiissutissanik Naalakkersuisut tunniussinissaannut akornusiisut  
aallarteqqinnissamut tapiissuteqarnissamut aporfitt siunertarineqanngitsut  
peerneqarnissaannik siunnersuut siunertaqarpoq.

#### 2. Siunnersummi immikkoortut pingaарнерит

*2.1. Aallarteqqinnissamut tapiissutinissamut periarfissap ajornannginnerulerne*  
Inuussutissarsiutigalugu aalisartut, inuussutissarsiutigalugu piniartut  
inuussutissarsiutigalugulu nunalerinermik ingerlataqartut aallarteqqinnissamut  
tapiiffigineqartarnerat pillugu inatsisartut inatsisaat (aallarteqqinnissamut  
tapiiffigineqarnissaq pillugu inatsit) manna tikillugu atuuttoq ajoquserneq inatsimmut ilaasoq  
nammineerluni imaluunniit pisortani tapiissutit assigisaalluunniit aqqtigalugit  
matussuserneqarsimappat assut atoruminaassimavoq. Aallarteqqinnissamut  
tapiiffigineqarnissaq pillugu inatsimmi oqaasertaliussat manna tikillugu atuuttut  
kingunerisimavaat pisuni ikitsuararsuarni inatsit piviusumik taamaallaat atuussinnaasimanera.

Inatsisip allanngortinneratigut siunnersuummi § 1, imm. 1-imí pisut taaneqartut matussuserneqarsimappata imaluunniit nammineerluni imaluunniit pisortat sillimmasiinerannit matussuserneqarsimappata aallarteqqinnissamut tapiissutisoqarsinnaanginna aalajangiussimaneqarpoq. Taamaattorli nammineerluni pisortallu tapiissutisitsisarnerannut innersuussineq peerneqarluni. Tamatuma kingunerisaanik inuk inatsisip aalajangersagaanut ilaasoq aallarteqqinnissamut tapiiffigineqarsinnaalluni pineqartoq inuussutissarsiummut attuumassuteqartumik annaasaqarsimappat, naak pineqartoq nammineerluni imaluunniit pisortaniit tapiissutisinikkut tapiissutisisimagaluartoq - assersuutigalugu pisortanit pilersugaanikkut.

Siunnersuummi § 1-imut ilaasut pisut nammineerluni pisortaniluunniit sillimmasiinermut matussuserneqarsinnaagaluartut peqatigisaanik aallarteqqinnissamut tapiiffigitinnissamut periarfissamik ikkussisoqarpoq, ingerlataqartoq pineqartoq sillimmasiinermut akiliinissamut naammattunik aningaasaateqarsimangitsutut nalilerneqarpat. Periarfissaq taanna saneqqussinertut iluseqarpoq immikkullu pisuni taamaallaat atorneqarsinnaalluni.

Aallarteqqinnissamut tapiiffigitinneq suli inuussutissarsiornikkut annaasaqarnermik uppernarsarneqarsinnaasuni pisuni taamaallaat atorneqarsinnaavoq.

#### *2.2. Qinnuteqarnissamut piffissaliussaq inatsisinik tunngaveqartoq*

Pisuni ajutoornerup malitsigisaanik ingerlataqartoq inuussutissarsiornermut attuumassunik atortunik annaasaqartillugu imaluunniit atortut ajoquusernerinik misigisaqarpat aallarteqqinnissamut tapiiffigineqarnissaq pillugu inatsimmi siunertaq tassaavoq ingerlataqartup piaernerpaamik inuussutissarsiumminik aallarteqqissinnaanissaa. Siunnersuutikkut qinnuteqarnissamut piffissaliussamik ikkussisoqarpoq taamaalilluni ingerlataqartoq ajoquusernermit imaluunniit tammartoqarneraniit kingusinnerpaamik ullan 30-it qaangiutsinnagit qinnuteqarsinnaalluni.

*2.3 Aallarteqqinnissamut tapiiffigitissinnaaneq 25.000 kr.-niit 50.000 kr.-nut qaffanneqarpoq.*  
Allaffissornikkut tapiiffigitissinnaanermut sinaakkutit qaffannissaat siunnersuutigineqarpoq taamaalilluni aningaasat tapiissutaasut inuussutissarsiornermi atortut akiisa ineriantornerinut naapertuutilerlutik. Allaffissornikkut oqartussat aallarteqqinnissamut tapiiffigitinnissamut periarfissap 2.000 kr.-niit 50.000 kr.-nut qaffanneqarnissaat siunnersuutigineqarpoq.

Immikkut pisuni 50.000 kr.-nik annertunerusunik aningaasanik tapiisoqartarnissaanut Naalakkersuisut suli periarfissaqarput.

#### *2.4. Tapiiffigiteqqittarnerit killilerneri*

Ukiut pingasukkaarlugit inuussutissarsiornermut attuumassuteqartut atortut assinginut tamarnerinullu aallarteqqinnissamut qinnuteqartut tapiiffigitinnissaat pillugu siunnersuutikkut killiliisoqarpoq. Ukiup tulliani atortup assinganut imaluunniit

tammarneranut aallarteqqinnissamut tapiiffigitinnissamut periarfissami taamaalilluni aaqqissuussinermi killiliisoqarpoq. Killiliineq eqqunneqarpoq, tassa qassutit aalisarnermilu atortut allat tammarneri pillugit qinnuteqarsimasunit taakkunannga aallarteqqinnissamut tapiiffigineqarnissaq pillugu qinnuteqaatit assinginik ukiut tamaasa tigusisoqartarmat.

<b>Siunnersuut inatsimmut atuuttumut sanilliullugu</b>	
<i>Oqaasertaliunneqartut atuuttut</i>	<i>Siunnersuut</i>
	<p style="text-align: center;"><b>§ 1</b></p> <p>Inuussutissarsiutigalugu aalisartut,      inuussutissarsiutigalugu piniartut      inuussutissarsiutigalugulu nunalerinermik      ingerlataqartut aallarteqqinnissamut      tapiiffigineqartarnerat pillugu inatsisartut      inatsisaat nr. 3, 21.maj 2004-meersumi      imatut allannguisoqarpoq:</p>
<p><b>§ 1.</b> Inuussutissarsiutigalugu aalisartunut, inuussutissarsiutigalugu piniartunut inuussutissarsiutigalugulu nunalerinermik ingerlataqartunut pigisat ajoquserneratigut, inuussutissarsiornermi sakkugisat tammarnerisigut imaluunniit napparsimanikkut imaluunniit allatut timikkut ajoquserluni sulisinnaajunnaarnikkut inuussutissarsiutiminnut tunngatillugu annaasaqarsimasunut Naalakkersuisut aallarteqqinnissamut tapiissuteqarsinnaapput.</p> <p><i>Imm. 2.</i> Tamatumma saniatigut silamik pissuteqartumik ajornartorsiuteqarneq, nalinginnaasumik inuussutissarsiornikkut aporfegarnerit assigisaaluunniit pissutigalugit annaasaqarnermut imm. 1-imi inunnut taaneqartunut immikkut ittumik pisuni aallarteqqinnissamut Naalakkersuisut tapiissuteqarsinnaapput.</p>	<p>1. § 1 imatut oqaasertalerneqarpoq:</p> <p>” <b>§ 1.</b> Inuussutissarsiutigalugu aalisartunut, inuussutissarsiutigalugu piniartunut inuussutissarsiutigalugulu nunalerinermik ingerlataqartunut pigisat ajoqusernerisigut imaluunniit ukuninnga peqquteqartumik inuussutissarsiutiminnut tunngatillugu annaasaqarsimasunut Naalakkersuisut aallarteqqinnissamut tapiissuteqarsinnaapput:</p> <ol style="list-style-type: none"> <li>1) pigisat ajoquserneri,</li> <li>2) inuussutissarsiummut tunngasut tammarneri,</li> <li>3) atortut nungullarneri,</li> <li>4) ilungersunartumik napparsimaneq allatigulluunniit timikkut peqquteqartumik sulisinnaajunnaarneq upternarsarneqartoq, imaluunniit</li> <li>5) inuussutissarsiornikkut nalinginnaasumik akornuteqarneq assigisaaluunniit.</li> </ol>

	<p><i>Imm. 2. Silap pissusaata allanngorneranik allatigulluunniit ajunaarnersuarmik pisoqarneranik peqquteqartumik inuussutissarsiornikkut isertitat tamakkiisut imaluunniit annertut sivikitsumik ilimasaarneqarnikkut annaaneqarpata imm. 1, nr. 1-5-imi taaneqartut saniatigut imm. 1-imi taaneqartunut inunnut aningaasatigut Naalakkersuisut ikuuussinnaapput.</i></p> <p><i>Imm. 3. Imm. 1-2-mi pisunut uppernarsaanissaq pillugu Naalakkersuisut sukumiinerusumik malittarisassaliorsinnaapput."</i></p>
§ 2 Aallarteqqinnissamut tapiissutit ajoquserneq, annaasaqarneq, napparsimaneq imaluunniit sulisinnaajunnaarneq matussuserneqarsinnaasimanngippata imaluunniit nammineerluni sillimassutitigut pisortalluunniit sillimmasiinerisigut imaluunniit nammineerluni pisortalluunniit tapiissutigisartagaasigut assigisaasigulluunniit matussuserneqarsinnaanngippata tunniunneqarsinnaapput.	<p><b>2. § 2 imatut oqaasertalerneqassaaq:</b></p> <p>" <b>§ 2. Aallarteqqinnissamut tapiissutit tunniunneqarnissaannut</b>  <b>piumasarineqarsinnaavoq § 1-imi ilaasut</b>  <b>pisut matussusereerneqarsimassanngitsut</b>  <b>imaluunniit nammineerluni pisortalluunniit</b>  <b>sillimmasiinerinit</b>  <b>matussuserneqarsinnaanngitsut.</b></p> <p><i>Imm. 2. Ajoqusernissaq sioqqullugu qinnuteqartoq nammineerluni sillimmasiinissamut nammineq pisariaqartunik aningaasaqarsimanngitsoq nalilerneqarpat Naalakkersuisut immikkut pisuni aallarteqqinnissamut tapiissuteqarsinnaapput."</i></p>
§ 3. Aallarteqqinnissamut tapiissutinik qinnuteqaat Naalakkersuisunut	<p><b>3. § 3 imatut oqaasertalerneqarpoq:</b></p> <p>" <b>§ 3. Aallarteqqinnissamut tapiissutinik</b></p>

<p>tunniunneqassaaq.</p> <p><i>Imm. 2. Imm. 1 malillugu qinnuteqaateqarneq pissaaq Naalakkersuisunit suliarineqarsimasoq qinnuteqaateqarnermut immersugassaq atorlugu.</i></p> <p><i>Imm. 3. Imm. 1 malillugu qinnuteqaammut ilanngunneqassapput qinnuteqaateqartup aningaasatigut inissisimaneranut uppernarsaatit kiisalu inuussutissarsiornermut atasumik pigisat ajoqusernerannut, annaasaqarnermut, napparsimanermut allatulluunniit timikkut ajoqusernikkut sulisinnaajunnaarnermut uppernarsaatit.</i></p> <p><i>Imm. 4. Aallarteqqinnissamut tapiissutit tunniunneqartassapput sapinngisamik soqtigisaqaqatigiit kattuffiat susassaqartoq tusarniaavigereerlugu. Pissutsini § 1, imm. 2-mi aamma § 4, imm. 2-mi taaneqartuni soqtigisaqaqatigiit kattuffiat tusarniaavagineqartassaaq.</i></p>	<p>qinnuteqaat Naalakkersuisunut tunniunneqassaaq.</p> <p><i>Imm. 2. Imm. 1 malillugu qinnuteqaat ajoqusernerup imaluunniit tamarnerit pinerannit kingusinnerpaamik ullut 30-it kingorna, Naalakkersuisunit suliarineqarsimasoq qinnuteqaateqarnermut immersugassaq atorlugu, tunniunneqassaaq , tak. § 1, imm. 1, nr, 1-2.</i></p> <p><i>Imm. 3. Imm. 1 malillugu qinnuteqaammut qinnuteqartup aningaasaqarnikkut inissisimaffia pillugu uppernarsaat kiisalu inuussutissarsiornermut attuumasumik annaasaqarneq pillugu uppernarsaatilaatinneqassaaq, takuuq §1.</i></p> <p><i>Imm. 4. Aallarteqqinnissamut tapiissutit sapinngisamik soqtigisaqaqatigiit kattuffiat susassaqartoq tusarniaavigereerlugu tunniunneqartassapput. § 1, imm. 1, nr., 5, § 1, imm. 2 aamma § 4, imm. 2-mi pisuni taaneqartuni soqtigisaqaqatigiit kattuffiat tusarniaavagineqartassaaq."</i></p>
	<p><b>4. § 3 kingorna ikkunneqarpoq:</b></p> <p><b>” § 3 a.</b> Aallarteqqinnissamut tapiissutit qinnuteqaammik aalajangersimasumik naliliineq tuniliaqutaralugu tunniunneqartassapput, tassunga ilanngullugu aallarteqqinnissamut aningaasartuutit akilernissaannut qinnuteqartoq nammineq naammattunik aningaasaateqarnersoq.</p> <p><i>Imm. 2. Ajoqusernerit tammartullu uteqqinneqartut eqqarsaatigalugit, tak. § 1, imm. 1, nr. 1-2, tunniussinermiit siusinnerpaamik ukiut pingasut qaangiunneranni aallarteqqinnissamut</i></p>

	tapiiffigineqarnissaq pillugu qinnuteqartoqarsinnaavoq."
§ 4. Aallarteqqinnissamut tapiissutit minnerpaamik 2.000 kr. annerpaamillu 25.000 kr. ataasiaannarluni tunniunneqartarput. <i>Imm. 2</i> Pissutsini immikkut ittuni Naalakkersuisut imm. 1-imi taaneqartunit aningaasanik amerlanerusunik tunniussisinnaapput. <i>Imm. 3.</i> Naalakkersuisut aallarteqqinnissamut tapiissutit tunniunneqarnerannut piumasarisinnaavaat tapiissutit qanoq atorneqarnerat pillugu kingornatigut qinnuteqaateqartoq nassuaateqassasoq.	5. § 4, ima oqaasertalerneqarpoq: " § 4. Aallarteqqinnissamut tapiissutit minnerpaamik 2.000 kr. annerpaamillu 50.000 kr. ataasiaannarluni tapiissutaapput, taamaattorli tak. imm. 2. <i>Imm. 2.</i> Naalakkersuisut aallarteqqinnissamut tapiissutit tunniunneqarnerannut piumasarisinnaavaat tapiissutit qanoq atorneqarnerat pillugu kingornatigut qinnuteqaateqartoq nassuaateqassasoq."
	6. Inatsimmi tamarmi "Landsstyre" imatut allanngortinneqassaaq: "Naalakkersuisut".
	§ 2 Inatsisartut inatsisaat ulloq 1. januar 2025- imi atuutilissaaq.

### 3. Pisortanut aningaasaqarnikkut allaffissornikkullu kingunerisassat

Siunnersuut pisortat annertunerusumik atuinerannik kinguneqartussamik allannguutinik imaqarpoq. Allannguutit kingunerisaannik inuussutissarsiuteqartut aallarteqqinnissamut tapiiffigineqarnissaq pillugu qinnuteqarsinnaanerisa ajornannginnerulerteranik kinguneqassaaq, allaffissornikkullu 50.000 kr. tikillugit tapiissutit atugassanngortinneqarsinnaallutik. Inatsisip atuuffia allanngortinneqanngilaq, ingerlataqartullu tapiissutisisinnaaneranut inuussutissarsiummut tunngasunik annaasaqarneq suli pineqarluni. Taamaattorli naatsorsuutigineqarluni allaffissornikkut qaffasinnerusumik tapiissutisisinnaanermut ataqtigisiillugu pilersitseqqinnermut tapiissutisinissamut periarfissap ajornannginnerulerterera pisortat 1,2-1,5 mio. kr.-inik annertunerusumik aningaasartuuteqarnerannik kinguneqassasoq. Naatsorsuutigineqarpoq aningaasartuuteqarneruneq aningaasanut inatsimmi konto pingarnermi maannakkut akuersissutaasut 3. mio. kr. iluani ingerlanneqarsinnaasoq.

**4. Inuussutissarsiortunut aningaasaqarnikkut allaffissornikkullu kingunerisassai**  
Annaasanut siusinnerusukkut ajornartinneqarsimasunut aallarteqqinnissamut  
tapiissutisinissamut periafissat ilaatigut ajornannginnerulersillugit inuussutissarsiortunut  
suliniutit pitsasut eqqunneqarnerinik siunnersummi suliniut eqqunneqarpoq, tassa annaasat  
taakku nammineerluni imaluunniit pisortani tapiissutisisarnikkut matussuserneqartarmata.

Siunnersuut aamma inuussutissarsiortunut ajortumik kinguneqartussanik suliniutinik  
eqqussivoq. Tamanna qanoq akulikitsigisumik qinnuteqartoqarsinnaaneranut piffissatigut  
killiliinikkut eqqunneqarpoq.

**5. Avatangiisinut, pinngortitamut inuillu peqqissusaannut kingunerisassai**

Siunnersuut avatangiisinut, pinngortitamut inuillu peqqissusiannut  
sunniuteqassangatinneqanngilaq.

**6. Innuttaasunut kingunerisassai**

Siunnersuut innuttaasunut sunniuteqassangatinneqanngilaq.

**7. Kingunerisinnaasai pingarnerit allat**

Siunnersuut annertunerusunik kinguneqarnissaa naatsorsuutigineqanngilaq.

**8. Pisortanik aamma kattuffinnik il.il. tusarniaaneq**

Siunnersuut xx. xxx 2024-miit xx. xxx 2024-mut tusarniutigineqarsimavoq.

## **Siunnersummi aalajangersakkanut ataasiakkaanut nassuaatit**

### *§ 1-imut*

Nr. 1-imut (§ 1)

#### *§ 1-imut*

Imm. 1-imut.

Inatsisartut inatsisaat Kalaallit Nunaanni inuussutissarsiuteqartunut inuussutissarsiutigalugu aalisartunut, inuussutissarsiutigalugu piniartunut inuussutissarsiutigalugulu nunalerinermik ingerlataqartunut atorneqarpoq.

Inatsisartut inatsisaanni siunertarineqarpoq qinnuteqaateqartoq maannamut inuussutissarsiutigisimasaminik ingerlatitseqqittuartungussasoq taamalu pisortanit ikorsiissutinik assigisaannillu qinnuteqartoq ikiorserneqarnani.

Aningaasat ikorsiissutitut/tapiissutitut qinnutigineqartorpiaat tunniunneqarnerata kingunerissavaa, qinnuteqaateqartup inuussutissarsiumminik ingerlatitseqqissinnaanera. Inatsisartut inatsisiaanni annaasanut matussuserneqarsinnaanngitsunut imaluunniit nammineerluni imaluunniit pisortatigut sillimmasiinernit matussuserneqarsinnaanngitsunut tapiissutisinissamut periarfissatut eqqarsaataavoq, takuuk §2.

Inuussutissarsiutigalugu aalisartut, inuussutissarsiutigalugu piniartut inuussutissarsiutigalugulu nunalerinermik ingerlatsisut pilligit nassuaammi taaguutit taakku nalinginnaasumik nassuaataannut sukkulluunniit atuuttumut innersuussisoqarpoq.

Aalajangersagaq malillugu 1) atortut ajoqusernerini, 2) inuussutissarsiummut tunngasut atortut tammarnerini, 3) atortut nungullarnerini, 4) ilungersunartumik napparsimanermi allatigulluunniit timikkut peqquteqartumik sulisinnaajunaarnermi imaluunniit 5) inuussutissarsiutikkut annaasaqarneq pillugu aallarteqqinnissamut tapiiffigineqarnissamut qinnuteqartoqarsinnaavoq.

Tassani tunngavigineqarpoq § 1, imm. 1-ip oqaasertai malillugit sukangasuumik nassuiarneqarnissaa.

Inatsit aamma annaasaqarsinnaanermut pisunut inissaqartitsivoq. Tassani paasineqarput pisut suli pisimanngitsunut annaasaqarsinnaanerit. Aalajangersakkap atorneqarsinnaaneranut assersuutissaqqissoq tassaavoq piffissat qimmit qimuttit nerukkaatissaannik naammattumik

isumalluuteqarfiunngitsut. Qimmit nerukkaatissaqanngippata atorneqarsinnaajunnaassapput, taamaalilluni aalajangersagaq pitsaliuinertut suliniutaavoq, pineqartoq tapiissutinik pissarsinngippat inuk inuussutissarsiornermut tunngasuni annaasaqassalluni taannalu piviusumik annaasaqarsimappat aallarteqqinnissamut tapiissutisisinnaassalluni.

Atortut "inuussutissarsiornermut tunngasuunerannut" aalajangiisussaavoq inuussutissarsiutip ingerlannissaanut atanersut pisariaqarnersullu.

Nr. 1)

Aalajangersakkamut ilaapput pisut atortuni illunilu kiisalu pigisani ajoqusertoqarnera assersuutigalugu illumi, umiatsiami motorimilu ajoquserneq.

Nr. 2)

Aalajangersagaq amerlanertigut qassutinik annaasaqarnermut atorneqartarpooq, taakkununngali killeqartinneqarnani.

Nr. 3)

Inatsimmi siunertaavoq ingerlataqartup ataavartumik inuussutissarsiumminik ingerlatsisinnaanera, taamaalilluni inuussutissarsiornermut tunngasut atortut nalinginnaasumik atorneqarneri pissutigalugu nungullarnerini aallarteqqinnissamut tapiiffigineqarnissaqarnissamut periarfissamik inatsit inissaqartitsilluni. Ingerlataqartup siusinnerusukkut pigisimanngisaanik atortunik pisinissamut tapiissutisisinnaanera aalajangersakkami siunertaanngilaq, siunertarli tassaavoq inuussutissarsiuteqartup siusinnerusukkut inuussutissarsiumminik ingerlatsinermini atorsimasaanik aamma nungullarneri pissutigalugu aserorsimasunik sakkunik ingerlataqartup taarsiisinnaanera.

Nr. 4)

Napparsimancerup qanoq paasineqarnissaanut apeqquataavoq nakorsat napparsimaneq qanoq paasisarneraat. Pingarneruwoq inuup sulisinnaajunnaarsimanera. Taamaattumik tapiissutinik qinnuteqaateqarnermi nakorsap uppermarsaataa ilanngunneqassaaq.

Piumasarineqanngilaq napparsimancerup qanoq sivisutiginera ilanngunneqassasoq.

Pingarnerusoq tassaavoq napparsimancerup nalaani inuussutissarsiummut tunngatillugu annaasaqarsimaneq napparsimancerup kingunerisaanik inuutissarsiummut uteqqinnissamut ajornarnerulersitsisoq. Assersuutit ilagaat napparsimalluni uninnganerup nalaani aserfallatsaolineqarsinnaasimannginneq pissutigalugu inuussutissarsiummi atortut aserorsimaneri.

Nr. 5)

Aalajangersagaq tassaavoq aalajangersakkanik katersiffiusoq, oqaasertaata nassuiarnerani imm. 1, nr. 1-4-mut ilaangitsut malillugit pisunut inissaqartitsinissaq, kisiannili pisunut tapiissuteqarfiusinnaasunut eqqaanartut pisimallutik. Aalajangersakkami tassani pingarnerutillogit sammineqarput pisut assigiinngitsunut tamanut tunnganerusut. Tassa

imaappoq pisut inuit ataasiakkaat kisiisa eqqornagit inuiaqatigiit ilaannut amerlanernut eqquisut.

Pisut taakku niuernermiq tunngaveqarsinnaapput, soorlu aalisarnermi, piniarnermi nunalerinermilu tunisassiat akiisa apparneri, orsussap assigisaasalu akiisa nalinginnaasunngitsumik qaffanneri, taakkununngali killeqartinneqarnani. Aalajangersagaq aamma pisuni qimminut qimuttunut nerukkaatissat naammakkunnaarnerini imaluunniit qimminut nerukkaatissat akiisa nalinginnaasunngitsumik qaffannerini imaluunniit qimmit qimuttut akuttunngitsumik nerukkaatissaannut innuttaasut naammattumik akissaqarnissaannik akornusiisuni atorneqarsinnaavoq.

Aalajangersagaq taanna innersuussutigalugu aallarteqqinnissamut tapiiffigineqarnermi soqutigisaqaqatigiinni kattuffik attuumassuteqartoq tusarniaaffigineqassaaq, tak. § 3, imm. 4.

Imm. 2-mut.

Pisut ajunaarnersuartut ittut sakkortuut tassaapput pisut tassanngaannartut siumullu naatsorsuutigineqarsinnaanngitsut, taamatullu annikigisassaanngitsut najukkamilu innuttaasut oqartussaasullu ulluinnarni isumalluutinut pissarsiarisartagaannut sunniuteqartumik ajutoorfiusimasut. Taamaalilluni aallaaviatigut ingerlatsisoq ataasiinnaq pisumit sunnertissimaguni pisoq tassaasimassanngilaq ajunaarnersuartut ittoq sakkortooq.

Aalajangersagaq malillugu assersuutigalugu tapiissutit nunalerisumut tunniunneqarsinnaassapput nunalerisup naatsiiatai, uumasupilunnit kissakkiartorneratigut Kalaallit Nunaannukarsimasunit, siornatigullu ilisimaneqanngitsunit nalinginnaasuniilluunniit aserorterneqarsimappata. Aammattaaq sikoqarpiannginnera imaluunniit sikoqarpallaarnera pissutigalugu inuussutissarsiummik ingerlatsisinnaanngitsunut aalisartunut imaluunniit piniartunut piniakkani nappaateqartoqarnera assersuutigalugu Chronic Wasting Disease (CWD) pisassat malunnartumik ikilinerini tapiissuteqartoqarsinnaavoq.

Aalajangersagaq taanna malillugu tapiissutit aalajangersimasumik ataasiakkaanit qinnuteqartoqarneratigut aamma soqutigisaqaqatigiit kattuffiinik attuumassuteqartunik tusarniaanerup kingorna tapiisoqarsinnaavoq, tak. § 3, imm. 4.

Imm. 3-mut

Imm. 1-2-mi pisunut uppermarsaanissamut piumasaqaatit pillugit malittarisassanik nalunaarut aqutigalugu erseqqinnerusunik aalajangersaanissamut Naalakkersuisut piginnaatinneqarput. Tassunga ilanngullugu annaasaq pillugu uppermarsaanissamut piumasaqaatit pillugit malittarisassat kiisalu pineqartup aallarteqqinnissamut tapiiffigineqarnissaq pillugu qinnutigineqartunik pigisanik pineqartup pisismamaneranik peqarsimaneranillu uppermarsaanissamut piumasaqaatit pillugit malittarisassanik atulersitsisoqarsinnaavoq.

Nr. 2-mut (§ 2)

Imm. 1-imut

Oqaaseq "matusineq" imatut paasineqassaaq pisoq patsisigalugu aningaasanik tunniussineq. § 2, imm. 1 naapertorlugu aamma pisoq pisortanit nammineerluniluunniit sillimmaserneqarsinnaassanngilaq.

Tapiissutit sillimmasiisarfinnut unammilleqatigiinnermik equngalersitsisutut sunniuteqaqqusaanngillat, tak. Unammilleqatigiinneq pillugu Inatsisartut inatsisaat nr. 1, 15. maj 2014-meersoq, (Unammilleqatigiinneq pillugu inatsit). Tamanna imatut paasineqassaaq aallarteqqinnissamut tapiissutit namminersortut sillimmaseeriaasiinut aalajangersimasunut taartaasussatut issanngitsut.

Suulluunniit sillimmasersinnaanerinut apeqquataavoq nammineerluni imaluunniit pisortat sillimmasiinerisigut annaasaq sillimmaserneqarsinnaanersoq. Innuttaasunut inuussutissarsiummut pineqartumut atasumik nalinginnaasut aallaavigalugit sillimmatinik nalinginnaasutut isigisariaqartunik pisinermikkut annaasaqarnerminnik pinngitsoortitsisimasinnaagaluartunik taamaaliorsimanngitsunulli tapiissuteqartoqarsinnaassanngilaq. Taamaattorli inuk inatsimmut ilaasoq, kisiannili sillimmasiinissamut aningaasaqarnikkut pisinnaasimanngitsoq, piumasaqaammut tassunga ilaatinneqassanngilaq, tak. imm. 2.

"Pisortat sillimmasiinerini" pingaartumik pineqarput Kalaallit Nunaanni sulinermi ajoquusernermut sillimmasiineq pillugu inatsit pillugu nalunaarut aaqqissuussinerillu assingusut malillugit tunniunneqartut.

"Nammineerluni sillimmasiineq" tassaavoq nammineerluni sillimmasiinermik neqeroortuniit assigisaannilluunniit sillimmasiinikkut sullinneqarnerit.

Imm. 2-mut

Aalajangersagaq tassaavoq sillimmasiinissaq pillugu piumasaqaammut ilaangilaq aamma ajoquusernermut sillimmasiinermik matussuserneqarsinnaasumut aallarteqqinnissamut tapiissutisinissamut qinnuteqartumut periarfissiivoq, sillimmaseernissamullu akiliutip appasisumik isertitaqarnermut sanilliullugu qaffasippallaarnera pissutigalugu qinnuteqartumut periarfissaasimanngitsoq.

Aallarteqqinnissamut tapiiffigineqarneq aalajangersimasumik missiliuinikkut pissaaq, aalajangersakkallu atorneqarnera qaqtigoortutut iluseqartariaqarluni.

Nr. 3-mut (§ 3)

§ 3-mut

Imm. 1-imut.

Aallarteqqinnissamut tapiiffigineqarnissaq pillugu qinnuteqaat imm. 2-mi suleriaatsitut aalajangersarneqarsimasoq malillugu naalakkersuisoqarfimmun akisussaasumut nassiunneqassaaq.

Imm. 2-mut.

Inatsimmi piumasaqaatit tunuliaqutaralugit illersorneqarsinnaasumik sullissinissamut piumasaqaatinik naammassinnittumik qinnuteqarnermi immersugassamik Naalakkersuisut suliaqassapput. Qinnuteqaateqarnermut immersugassami tassani piumasarineqassaaq pissutsit pisariaqartut tamarmik ilisimatitsissutigineqarnissaat. Aammattaaq missingersuutitigut assigisaatigulluunniit tapiissutit Inatsisartut inatsisaata siunertaanik naammassinninnerata ilimanarnera pillugu piumasaqaateqartariaqluni. Qinnuteqaateqarnermi immersugassaq suliat suliarineqarnerannut naleqqussartuarneqarsinnaavoq.

§ 1, imm. 2-mi eqqaaneqartunut pissutsinut qinnuteqaatit immikkut suliarisarnissaannut aalajangersaasoqarsinnaavoq.

§ 5 naapertorlugu atorsinnaanissamut piumasaanngilaq innuttaasup utertillugit akileeqqusaasinnaanermik ilisimatinneqarnissaa. Taamaattorli aqtsinermili pissuserissaarnerup ilagaa utertillugit akileeqqusaasinnaanerup nalunaarutigineqarsinnaanera. Qinnuteqaateqarnermi immersugassaq § 3, imm. 2-mi taaneqartoq aqqutigalugu tamanna pisinnaavoq.

Allannguutit pillugit ilisimatitsinissamut pisussaaffik, tak. § 5, imm. 2, oqaaseqatigiit aappaat, qinnuteqaateqartumut ilisimatitsissutigineqartariaqarpoq. Tamanna pisinnaavoq qinnuteqaateqarnermi immersugassaq aqqutigalugu.

Ajoqusernermut tammartunulluunniit aallarteqqinnissamut tapiiffigineqarnissaq pillugu qinnuteqaatip, tak. § 1, imm. 1, nr. 1-2, pisup kingorna kingusinnerpaamik qaammat ataaseq qaangiutsinnagu nassiunneqarnissaa pillugu piumasaqaat inatsimmi equnneqarpoq.

Tamatuma kingunerisaanik piffissaliussaq qaangerneqarsimappat qinnuteqartoq aallarteqqinnissamut tapiissutisisinnaassanngilaq. Inuit inuussutissarsiornermut tunngasunik atortunik annaasaqartut imaluunniit atortunik annikitsumik ajoqusersimasut sukanerpaamik inuussutissarsiummut uteqqinnissaat qulakkeerniarlugu piffissaliussaq equnneqarpoq peqatigisaanillu inuit pisinnaatitaangitsut inuussutissarsiummut attuumassuteqanngitsunik tapiissutisisinnaannginnerat qulakkeerneqarluni.

Imm. 3-mut

Aallarteqqinnissamut tapiiffigineqarnissaq pillugu qinnuteqaa suliap suliarineranut attuumassuteqartunik paasissutissanik taakkununngalu upternarsaatnik ilaqaasaaq. Paasissutissat taakkua tassaasinnaapput tammasamut upternarsaat soorlu politiinut

nalunaarutiginnissimaneq. Tassaasinnaavoq napparsimanermut uppernarsaat nakorsamit nalunaarut allaluunniit.

Uppernarsaatip qanoq iluseqarnissa pingaaruteqanngilaq, pingaaruteqartorli tassaavoq uppernarsaatip piviusumik pisimasunik naammattumik erseqqissaanera uppernarsaaneralu.

Imm. 4-mut.

Soqtigisaqaqatigiit kattuffiata susassaqartup tusarniaaffigineqarnissaanut siunertaavoq qinnuteqaatit suliarineqarneranni suliassamut tunngasutigut siunnersorneqarnissaq, aqutsisut pisariaqartissimappassuk. Tusarniaaneq allaffitsigut aqutsisunit pissarsiariniarnera ajornakusoorluinnaraluarpualluunniit tapiissuteqartoqarsinnaavoq. Pissutsinut siunnersuummi § 1, imm. 2-mi § 4, imm. 2-milu taaneqartunut tunngatillugu soqtigisaqaqatigiit kattuffiat tusarniaavagineqassaaq. KNAPK maannakkut tassaavoq inuussutissarsiutigalugu aalisartunut inuussutissarsiutigalugulu piniartunut soqtigisaqaqatigiiffittut kattuffik. SPS nunalerisunut soqtigisaqaqatigiiffittut kattuffiuvoq. Soqtigisaqaqatigiiffiit kattuffii marluusut tusarniaanermi peqataajumasimapput.

Taakkuningga tusarniaanermut akissutit pisussaaffiliisuunngillat, tassa tusarniaanermut akissut allaffitsigut aqutsisunut inatsisitigut pituttuisuunngilaq.

Nr. 4-mut (§ 3 a)

§ 3 a-mut

Imm. 1-imut

Qinnuteqaammik aalajangersimasumik naliliineq tunuliaqtaralugu aallarteqqinnissamut tapiissuteqartoqassaaq. Tamatuma saniatigut aallarteqqinnissamut aningaasartuutit akilernissaannut qinnuteqartoq naammattumik aningaasaqarnikkut piginnaasaqartutut nalinerneqarpal aallarteqqinnissamut tapiiffigineqarnissaq pillugu qinnuteqaatip suliarinissaanut itigartinnissaanullu aalajangersakkut Naalakkersuisunut periarfissiivoq.

Imm. 2-mut

Qinnuteqartoq siusinnerusukkut atortut aserornerinut imaluunniit atortut annaanerinut aallarteqqinnissamut tapiissutisisimasoq tapiissutisinermiit ukiut pingasut kingorna siusinnerpaamik tapiissutisisinnaavoq.

Qinnuteqartoq assersuutigalugu 2025-mi nipisanniarnermi qassutit annaanerinut aallarteqqinnissamut tapiissutisisimappat qinnuteqartoq taanna nipisanniarnermi qassutinut annaasanut siusinnerpaamik 2028-mi tapiissutisisinnaavoq.

Inatsimmi § 1, imm. 1, nr. 1-2 malillugu atortut ajoqusernerinut atortullu annaanerinut aalajangersagaq taamaallaat atorneqassaaq.

## Nr. 5 – 4-imut

### § 4-mut

#### Imm. 1-imut

Aalajangersakkami siunertaq tassaavoq inuussutissarsiutip ingerlanneranut pisariaqarluinnartumik pisoqartillugu tapiissutit tunniunneqartarnissaat. Taamaattumik annaasanut tapiiffigeqqusnut tapiissutissat minnerpaaffilerneqarsimapput. Tapiissutissat annerpaaffilerneqarnerannut patsisaavoq tapiissutit innuttaasunut sapinngisamik amerlasuunut iluaqutaaniassammata. Aningaasat rekvisitioni atorlugu tunniunneqartassapput.

Aalajangersakkami aningaasanik 2.000 kr.-niit 50.000 kr-t tikillugit tunniussisoqarnissaanut periarfissiisoqarpoq. Taamaalilluni imaanngilaq rekvisitionikkut aallarteqqinnissamut tapiissutinik qinnuteqartoq 50.000 kr.-nik pissarsissasoq, taakkuli tikillugit pissarsisinnaalluni.

#### Imm. 2-mut

Aalajangersakkami siunertaavoq inatsisip siunertaanut tunngatillugu tapiissutit tunniunneqartut pitsaanerpaamik iluaqtigineqarnissaata qulakkeernissaa. Tassalu nassuaatikkut qulakkeerneqassaaq tapiissutit siunertamut atorneqarnerat.

Tapiissutinik tunniussinermi erseqqissarneqassaaq nassuaammut suut piumasarineqarnersut. Naalakkersuisut taakkununnga piumasaqaatit aamma nassuaatit tunniunneqarnissaannut piffissarititaasut aalajangersassavaat. Nalunaartartussaatitaanerup malinneqarnissaa qulakkeerumallugu Naalakkersuisut ilaatigut aalajangersinnaavaat, nalunaartartussaatitaaneq eqqortinnejarsimannngippat, § 5, imm. 1, nr. 2 naapertorlugu nalunaartartussaatitaaneq malinneqanngippat utertillugit akiliisoqassasoq.

#### Nr. 6-imut

Inatsimmi tamarmi "Landsstyre" allanngortinneqassaaq imatut: "Naalakkersuisut".

### § 2

Inatsisartut inatsisaat ulloq 1. januar 2025-mi atuutilerpoq.

